



LA METÁ, DEL CAMÍN

contra un país nuevu

RUTA

Noviembre del 2018

Nº1

Edición:

pa la xente

Preciu: una sonrisa

PODEMOS.

Alcuerdu presupuestariu p'ameyorar la vida de la xente

Uníos Podemos arrinca un paquete importante de midíes sociales al Gobierno del PSOE



Pablo Iglesias y Pedro Sánchez ciarren l'alcuerdu pa los presupuestos del 2019. Foto: Dani Gago

Una de les consecuencias de la moción de censura foi la posibilidad d'ensayar una colaboración gubernamental «a la portuguesa» ente la vieya socialdemocracia y quien defenden, ensin compoendes, acabar colos privilexos fiscales de les corporaciones grandes y de les fortunes grandes pa blindar los derechos sociales y les condiciones materiales de vida de la inmensa mayoría.

L'alcuerdu ente Pedro Sánchez y Pablo Iglesias sorprendió a muchos analistas pol so calao, anque

Uníos Podemos presentó una fueya de ruta más ambiciosa y les dos partes tuvieron que ceder p'alcanzar un puntu mediu.

«Cuando Pablo Iglesias sea presidente del Gobierno, podremos desplegar de veres les nuestros propuestas. Tamos contentos col alcuerdu porque va ameyorar la vida de millones de persones, pero vémoslu como un pasu intermediu. De dalguna manera, tamos na metá del camín que lleva contra esi nuevu país más xustu que queremos construír», declaran dende Uníos Podemos.

Del 15M al 8M, en taxi y surfiando les mareas de pensionistas y pensionistes


Mobilizaciones históriques pa reclamar xusticia y derechos

Nos últimos meses, la xente mobilizao nes calles d'España, que brega polos derechos de toos y toes, dio una llición al país al negar —col so cuerpo y la so voz— el cinismo y la resignación que vien den los partíos del «nun se puede», los sos aliaos mediáticos y los sos xefes del IBEX 35: les históriques mobilizaciones feministes del 8M y en contra de la sentencia machista de La Manada, los taxis en fuelga pa defender un serviciu públicu frente a les utres con sé en paraísos fiscales, los pensionistas y les pensionistes manifestándose una y otra vez na puerta'l Congreso y enllenando toles selmanes les calles de Bilbao..., pero tamién les kellys, les espartanes de *Coca-Cola en Lucha*, los trabayadores y les trabayadores de Vestas, de La Naval, de los estibadores, y tantos y tantos colectivos qu'esbrexen polo que ye xusto.

«Ensin la fuerca de toda esa xente que nunca perdió la esperanza, nosotros y nosotres nun taríamos en Congreso, nin díbamos poder echar al PP nin arrincar lo qu'arrinquemos al Gobierno del PSOE», expliquen dende Podemos. «Ye a ellos y a elles a quien hay que-yos dar les gracies y que-yos pidir que sigan embutando. Entá tamos na metá del camín y van volver dicios que nun se puede».

El sueldo mínimo, de 735 a 900 euros: la subida más grande de la democracia

Una medida que sorprendió a tol mundo



Ye posible que la medida más sorprendente del alcuerdu (y de

les de más alcance) sea la subida del Sueldo Mínimo Interprofesio-

nal (SMI) qu'Uníos Podemos pudo arrincar al PSOE depués de munches horas de negociación nes que'l Gobierno de Pedro Sánchez defendía subies mucho más pequeñes.

A la fin pudo algamase una subida histórica del 22% que non solo va ameyorar la vida de millones de trabajadores precarizaos y precarizaes (la mayoría, muyeres), sinón que tamién va reactivar el consumu (y con él, la economía) y va permitir ingresar miles de millones d'euros más en fondo de reserva de les pensiones que'l PP dexó en cuadru. Amás, va dexar explicar a persones como Susana Díaz a qué s'opunxo la militancia de Podemos cuando votó «non» al alcuerdu Rivera-Sánchez, porque naquel documentu d'alcuerdu — redactáu por economistas neoliberales — la propuesta de subida del SMI yera d'un mísero 1% (quier dicise, de siete insultantes euros al mes).

El Partíu Popular a la oposición y M. Rajoy a Santa Pola

Al final sí daben los números



M. Rajoy abandona l'hemiciclo tres de trunfar la moción de censura. Foto: Dani Gago

En xuno del 2017, Uníos Podemos defendió la moción de censura de la dignidá en contra d'un tal M. Rajoy y un Partíu Popular atacaos de corrupción. Apesar de les decenes de casos de saqueo y parasitación de lo públicu, la moción nun salió alantre y a lo llargo d'un añu enteru repitióse ensin aparar que «nun había números pa echar al PP de la Moncloa».

Sí qu'así, la moción de censura victoriosa del mes de xuno pasáu, que convirtió en presidente del Gobierno a Pedro Sánchez, demostró que Podemos tenía razón y que sí se podía.

Delante d'una bancada socialista que parecía nun lo creyer, los deputaos y les deputaes d'Uníos Podemos celebraron la moción vocinglando a coro'l «sí se puede». Poníase fin a siete años d'escuridá y recortes, y inaugurábase la etapa de más influencia de la formación que nació nes places desque pisara'l tableru políticu nes eleccionnes europees del 2014.